



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 37. Rex Angliæ in Hibernia.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

exinde honori ducere cœperunt, putaruntque se ex Scriptura & Patribus satis demonstrasse, omnem Christianum teneri, cinctum esse, nec ulla preces sine hac Religionis nota peractas Deo placere. Inter ceteros Ritus Excommunicationis olim & ille erat, quod cingulum excommunicando publice dissecaretur.

§. XXXVII.

Rex Angliæ in Hibernia.

Ubi ad Regem Henricum relatum, statuisse Pontificem Legatos ad se mittere, in Angliam celeriter trajecit, iussitque omnes portus tam in Francia, quam in Anglia diligentissime custodiri, si quis literas, quodcunque Interdictum denunciantes afferret, comprehendi & in carcerem duci, omnes prorsus Clericos advenas excludi, nisi jurent, se nihil adversus Regem vel Regnum moliri. Ipse Portum Magnum * invecus, die tertia Augusti validum contraxit exercitum, in Hiberniam navigaturus, quo vocabatur, ut supremus Insulæ Dominator salutaretur. Præterea securiorem se ibi quam in Anglia de Interdicto, quod pertimescebat, futurum sperabat. In itinere ad Henricum Episcopum Wintoniensem supremo morbo laborantem in-
visit, cui venerabilis Præsul necem
S. Archi-

Sæcul. XII.
A C. 1171.Gervas.
p. 1419.* Ports-
mouth.Radulph.
dic. p. 457.

Sæcul. XII. S. Archiepiscopi acriter exprobrans præ-
 A.C. 1171. dixit, multa adversa ob crudele factum
 ei obventura. Obiit vero Episcopus
 dierum plenus, octava ejusdem mensis
 Augusti, postquam Ecclesiæ Wintoniensi
 annis quadraginta duobus præfuisse.

Giv. Cambr. Is biennio ante obitum suum omnes fa-
 cultates in pauperes distribuerat, re nulla,
 nisi sustentatione simpliciter necessaria,
 sibi reservata.

Rex Angliæ cum quadringentarum
 navium classe in Hiberniam die Lunæ,
 decima octava Octobris, in Festo Sancti
 Lucæ appulsus, altera die cum copiis
 Waterfordiam processit, ubi dies quin-
 decim substitit. Illic præsto fuere, ut
 jussi erant, Reges quatuor, Corcensis,
 Limericensis, Oxericensis, & Midanus
 cum ferme omnibus Hiberniæ Opti-
 matibus, excepto Rege Conactano, qui
 se solum jure Hiberniæ Regem esse di-
 cebat. Cuncti quoque Præsules adfuere,
 videlicet Archiepiscopi quatuor Gelasius
 Armacanus, Donatus Cassiliensis, Lau-
 rentius Dublinensis, & Catholicus Tuam-
 mensis, Episcopi eorum Suffraganei
 numero viginti octo, & Abbates, qui
 omnes Henricum Regem & Dominum
 Hiberniæ recipientes, ei & ipsius Suc-
 cessoribus in omne tempus fidem ju-
 rarunt. Misit deinde Rex Angliæ Præ-
 sulum Hiberniæ literas ad Alexandrum
 Papam

G. Neubrig.

11. c. 26.

Roger. Ho-

ved. p. 527.

to. 10. Conc.

p. 1433.

Papam, qui Henrico & posteris ejus Regnum istud Sacrae Sedis auctoritate confirmavit. Ceterum jam antea licentiam intrandi Hiberniam, eamque sibi subigendi, ab Hadriano IV. Papa anno millesimo centesimo quinquagesimo sexto obtinuerat.

§. XXXVIII.

Concilium Cassiliense.

Henricus Rex in Hibernia commorans, ad Festum S. Leonardi, sextam diem Novembris, anno millesimo centesimo septuagesimo primo, Nicolaum Capellanum suum & Rudolphum Arhidiaconum Laudavanum misit, Concilio generali Cassiliae sub auspiciis Summi Pontificis cum ceteris Provinciae Praesulibus interfuturos. Archiepiscopus Armacanus, Hiberniae Primas, senio & corporis infirmitatibus prohibitus adesse non potuit, Vir Sanctitatis opinione clarus, solo lacte bovis candidae, quam, ubicunque ipse esset, deduci jubebat, victitans. In eo igitur Concilio, cui Christianus Episcopus Lismoriensis, Romanae Sedis Legatus, praefuit, abusus in illis regionibus dominantes publice recitati, & addito Legati Sigillo conscripti. Tum in remedium idoneum octo Canones conditi.

Saecul. XII.
A.C. 1171.

Jo. Brom-
ton. p. 1071.